

重修兩淮鹽法志

兩淮鹽法志卷七十六

督銷門

湘岸督銷

下

光緒六年二月湖南督銷局道員李鎬等稟奉前憲沈札開據湘岸運商元豐祥等稟陳岸務情形請逐加釐剔一案飭卑局遵照批示妥議查湘岸地方形勢與他岸不同相去兩淮二千餘里介乎川粵之間江路則四通八達山嶺則錯雜紛歧鄰私處處可以浸灌故淮鹽容有片引不到之地而民間決無一日淡食之虞從前開辦督銷若僅於省會設立總局侈口招徠恐省外各府

縣富戶殷商未必肯挾重資勞舟楫絡繹連檣盡出於
長沙河下也是欲言疏銷非計出便民不可此所由多
設分局之原委也湖南省情尙用銀票各項交易雖盈
千累萬多以期票相往還或輾轉運售以貨易貨互相
抵償鹽行領鹽發販其所受於客販者類多穀米花油
等項貨物須俟售出後方獲現銀若不量予通融俾資
周轉則其源易竭而其流不長此其關鍵在市情不在
岸務誠不能不因地制宜是以各分岸行戶赴局領鹽
名爲先銀後鹽其實所繳存於局者銀票也票有期限
逾期無銀則停稱不再發鹽票期之遠近各處定章不

一各從其地方情形此所由收受期票之原委也二者俱屬因利乘便之舉唯是利之所在患卽隨之分局多則各項司事在在需人督責稽察其難其慎稍有疏懈則滋弊略加刻責則生怨至惜薪工伙食之耗費所見猶小也收銀票則行店拖欠時時可慮勾核催追瑣屑繁重稍縱則滾積愈多過激則倒歇立見當事之操縱寬嚴最難得當也有此二患職道等有總理局務之責終歲在憂勤惕勵之中用力多而操心勞果可以如該商等所稟盡撤分局概收現銀則亦何苦獨爲其難哉至商稟以捐項迭出爲苦查近歷多年僅於去年八月

有提充校經堂經費一項係出於卑局主裁定議而與減收籌補公費同時並舉挹彼注茲核與商利無損毫末此外稟中條開各款總局並未與聞俱係由商局提款應付利源所在屬目者多或迫以善舉之美名或礙於人情所難卻致未暇詢謀僉同亦屬實在情形查湘岸票商分本省與外省兩幫商局值年原有四人外幫雖亦與其列而去留無定多係本幫商人主事近於外幫慎選老成添設四人合共八人既足以資聯絡亦不至言論過雜但能和衷共濟自可相與有成相持久遠嗣後凡有應議之事應籌之款悉由此值年八人公同

會議斟酌舉行謹呈奉批查議各條 一遵查益陽行
用浮收一分四釐一款湖南通省各縣平色不一各就
各地市平扣庫平易啟繞越折算之弊卑局前經通飭
查禁在案茲奉前因覆查益市鎮鹽牌價計每鹽百觔
應收庫平銀三兩零五六分不等連加申平色約售益
市銀三兩一錢四五分方合庫平之數照章每銀一兩
准收行用三分合計應收銀九分四五釐今該商等稟
稱每百觔行用九分實已少算四五釐此外尙有開倉
費四釐歸商人號夥收用又有挑鹽下河力費每包銀
五釐三項合計正符一分四釐之數內惟力費一項從

前未據稟明總局有案見已飭將此項裁革改由水販自行雇運實已絲毫無溢卽以此三項而論皆與局中無涉無庸代爲迴護見仍嚴飭該分局隨時認真查察以昭公愼 一遵查甯鄉每票收津貼銀三百兩一款甯鄉向係靖江分岸銷路光緒三年該署縣唐令步瀛稟設分局試辦督銷在於靖江及省河兩局提撥尾檔前往接濟可期隨撥隨銷以視各分岸存倉待檔者遲速迥殊蓋欲酌盈劑虛以昭平允而免爭競時靖江適有侯立生錢店虧案當經淮商局議請仿照行用三分每票抽提津貼銀三百兩歸該商局經收以資彌補靖

岸銷戶逃亡虧倒之用曾於三年七月經卑局稟奉憲批如稟辦理在案 一遵查湘潭分局帳房施姓私虧一款緣潭局經管收支施澤溥在局年久逐漸挪移銀一萬一千零八十兩零六錢一分七釐於光緒三年五月經職道等查知立即飭發長沙縣嚴限押追是年九月卽如數追清分釐無短發商領訖有案可憑 一遵查辰岸處湘岸邊界一款從前創辦辰岸專銷碱鹽光緒元年改撥尖引乘碱鹽殘弊之後成規本未盡善節經卑局力求整頓因地方瘠苦領鹽售銀曾酌定四十五天之限去年春夏閒各行號屢次屆期壓兌迭經飭

縣嚴追並將人地不相宜之局員調赴銷引減少之地
改派幹員接辦近半年來並無壓兌之事其前壓之款
亦經分限年內埽數清楚 一遵查何局應併何局應
撤一款近三年來業已將潭岸之橋頭藍田常岸之漆
家河陬溪市以及新安各分局次第裁撤就近歸併以
節糜費茲復遵議將甯鄉湘陰桃源三局統令俟見在
存鹽銷竣之日一併裁撤以順商情至辰州乃常岸上
游藩籬龍陽爲常岸下游門戶益陽亦資爲屏蔽此等
緊要關鍵實未便遽議裁併 一遵查鹽行懸欠弊竇
最大一款鹽行領鹽旣先繳銀票卽難保不逾期拖欠

今既據該商等稟奉批飭自奉此次嚴札之後一律改
售見銀自應遵照辦理惟以後可以截止後虧而未必
卽能清完前欠誠未敢猝令停收期票蓋市情狡猾儻
或截流而漁致各分岸已銷最後之票未獲見銀之利
先受倒帳之累勢將獄訟繁興轉滋商怨辦理未免費
手見在通飭各分局各將票期定限先行更定章程格
外收緊庶幾漸收漸进步爲營以期潛移默奪一
遵查司事膽敢挪銀放息一款通查各局司事並無確
據仍隨時認真查察儻有前項情弊定行從嚴懲辦
一遵查九馬嘴開河一款係於光緒四年十二月據淮

商局公同議定之後具稟到局存案原議每票捐銀十兩以甲戌春秋兩綱爲率見開乙亥綱此款應議停止以符原案其開河工程長用銀一千餘兩應飭淮商局於公存穀價項下提補清楚 一遵查修補義冢一款此款並未有人來局稟明有案在商局提用若干亦未據具報到局卷查光緒五年八月准運司咨據長沙城外義山董事黃慶光稟請飭湘岸運商從甲戌秋綱起至乙亥春綱止於投咨起運時每包捐錢三文由淮南總局抽收發交該董事承領等因咨會到局此項應否裁停之處應請卽飭下仍歸運司核辦 一遵查岳州

救生局始於同治年間每票捐錢八千由岳州淮鹽轉運局於掣驗時按票抽收就近移解以充救生經費洞庭著名險要事關救全民命且爲數亦屬無多議應仍舊收捐俟該局經費充足再行停止 一遵查校經堂經費一款見已議定每年額解銀數另文專案稟報

一遵查思賢講舍與曾公祠捐一款因事關地方祠宇講舍興廢稟湖南撫部院核示飭遵容另稟錄報經署鹽政吳元炳批檢閱查覆各條如益陽挑鹽下河力費一款已飭裁革甯鄉每票收津貼銀三百兩卽係淮商局議請仿照行用抽提曾於光緒三年七月稟准核案

相符且甯鄉一局據請會同湘陰桃源二局一併裁撤
此後津貼自無可再收湘潭帳房施澤溥挪移銀兩已
據飭發長沙縣嚴限追清辰州龍陽兩局有關緊要未
便議裁九龍嘴開河一款議停岳州救生局一款議留
均准照辦義冢一款候札署運司查議稟復恩賢講舍
與曾公祠捐俟另稟到日再行核示至益陽牌價究應
收庫平銀若干自宜定一准數詳明立案尾零之數不
便含混致啟藉口開倉費四釐各局所無且歸號夥收
用尤屬不實不盡亦應裁革辰岸處湘岸極邊前據商
稟成規壞極該處鹽行虧累萬餘金未給商領又稱不

得擅假鹽價資兌他貨等語是其弊尙不僅壓兌一事未遽逐一確查清釐期票一節據稱未敢猝令停收固有積重難返之勢但愈欠愈多愈久愈弊以釐餉鉅款而一任行戶把持挪移套搭甚且以追急則倒閉爲挾制之具殊覺不成政體以上各層仰裴道於到局後再行察酌情形妥議稟候察辦各局員紳司事並應慎選妥人破除情面嚴加淘汰逐事整頓以收裕課暢銷之效

光緒六年三月湖南督銷局道員裴蔭森等稟甯鄉湘陰桃源三局原議一并裁撤而甯鄉一局隨據該署縣涂

令鴻儒稟請留辦以順輿情而廣銷市奉湖南撫部院批局飭議業經詳請暫留照辦在案其每票收津貼銀三百兩光緒三年七月稟准有案去年十月曾據運商光湘裕等聯名稟請裁減經李道等斟酌核減每票祇收津貼銀一百五十兩批准在案前稟一時漏叙合補聲明所有此款津貼當日原爲酌盈劑虛起見第駁船改運所費甚繁而體貼商情又不能不量加末減職道等擬請在於所收之一百五十兩內再減五十兩以示體恤其一百之數仍照原收藉資彌補復訪之淮商眾議有局則引地可保無局則私販公行似此情形湘陰

桃源二局亦未便遽議裁撤伏查臨湘一局上附岳州
下連鄂岸月銷引數爲數無多請將此局裁併岳州局
以節糜費至益陽牌價都係按照原來場分定價懸牌
曉諭其開場分不一價亦各異不能不有畸零尾數者
是亦物之情也見經飭令牌價仍照場分懸示所收平
色一律按照庫平收解給發以杜繞折申扣之弊益陽
開倉費四釐則已遵飭裁革矣辰州一岸地處極邊去
年各行號屆期壓兌致該商等有虧累萬餘之稟迭經
嚴飭追比已據該分局埽解清楚所稱擅假鹽價資兌
他貨亦經確查並不能指實其事期票一節未嘗不欲

二
州
鹽
法
元
卷
一
一
趁此改售見銀祇以湘中通市交易大都以票爲周轉
見在鹽行領鹽照章先繳銀票到局然後再給領鹽起
票亦經通飭各岸分局格外收緊卽岸情疲滯亦不得
過一月之期以期漸收漸近就我範圍而不至任其逾
延拖欠也經署鹽政吳元炳批如稟辦理

光緒六年五月湖南督銷局道員裴蔭森等稟常德局於
光緒四年因行戶倒歇虧欠釐課商本銀數四萬九千
一百二十六兩四錢經前委員洪令錫綬催追後稟請
前總辦局務李道將六分撥費按年彌補見在實短銀
七千六百九十四兩七錢三分又光緒五年分佑順恭

裕福茂泰昌通裕裕達福等各行戶未繳釐課商本共計五千二百七十五兩三錢八分龍陽局於光緒四年被行戶協和倒欠銀一萬六千九百八十八兩五錢一八亦經委員洪令請將六分撥費彌補見在實短銀一萬一千一百六十七兩一錢六分又光緒五年行戶恆裕福尙有未繳釐課商本銀六千七百七十四兩三錢八分又查辰州局於光緒元年被行戶倒欠商本銀三萬八千一百三十餘兩除陸續追繳外尙欠銀八千八百二十八兩九錢一分又光緒三年分行戶張恆茂欠繳商本銀一千八百四十八兩曾將房屋封抵歷年收

租彌補見尙短銀一千四百餘兩又查靖江局除侯立
生欠款有案不錄外又光緒二年行戶徐寶豐裕隆富
恆森裕隆昌等五家拖欠釐課商本銀兩陸續追解見
尙短銀一千八百十六兩二錢四分二釐又行戶廣裕
盈同發祥裕豐泰鼎廣泰協昌等六家未繳課本銀六
千五百八十兩又查新安分局於光緒三年委紳晏滋
鄒新旭等虧欠銀九千餘兩經益陽行戶公請將行用
酌提二分彌補見尙短銀五千四百兩以上各項或有
款可指而攤補需時或行倒力疲急應追比均經職道
等札飭各局分別清理催追惟查各局虧空之由固由

各行戶居心貪狡未嘗不由各局員紳辦理不善且風聞各局於各行戶銀票到期時往往仍存該行收取月息領鹽時於交情親密者任意多賒代爲挪掩以致各行戶有所挾持敢於拖欠職道等到局後卽將辦理不善之員紳分別撤換並嚴定章程各局賒鹽至多不得過三百包行店票期至遠不得過半月緣湘岸道路紆遠商販轉運艱難財力支絀實有不能遽收見銀之勢惟常德一局爲商賈輻輳之區通融尚易見已改收售見銀由該局員紳自行經理俾行戶無可把持如果辦有成效再飭各局逐漸收緊仿照通行經署鹽政吳元

下江鹽法司卷一
炳批湘岸各行戶經該道查明虧短課釐商本無不盈
千累萬實屬不成政體仰卽分別勒限逐案催追務將
行戶之狡猾者發縣嚴比員紳之串通者指明詳參方
足懲一警百勿徒以一撤了事辦結一案專案具報一
次常德一局已擬改售見銀洵爲目前至要之務從前
江西湖北均有行欠經程道一律改見不過初改之一
二月銀路稍窘以後便獲無窮之益此外各局總宜逐
漸收緊辦到售見而後止

光緒六年十月運司王溥詳據淮南總局稟據湘岸運商
等稟承辦湘岸引鹽所需辦公經費向係按票均攤初

議每票捐銀十兩足錢十串文曾經稟蒙憲局代收彙
交值年商人具領濟用嗣因積年盈餘先後稟請截至
壬申春綱止一律暫停並聲明如將來經費不敷再行
稟請續捐計自停捐以來連年辦公經費除原存之款
業經用竣外尙有積欠未償急需籌備以濟要需茲經
商等公同酌議自本年開辦乙亥秋綱起至循環丙子
春綱止計春秋兩綱共十四萬二千引按五百引一票
每票酌捐曹寶銀二十兩整於投繳尾課時呈繳等情
應否俯如所請伏乞示遵經鹽政劉坤一批查湘岸帶
捐公費從前自何年起捐作何支用未據詳明有案票

法以輕本爲主近年成本逐漸加增獲利已不如初行
時之厚本年銷數尤滯湘岸上半年較上年短售二萬
餘引方以本重不能減價深費躊躇乃於報明停捐之
款忽請復捐捐數較前更多值年商人究是何人所謂
辦公者究係何項公事豈能以眾人之資聽值年任意
揮霍所請礙難准行

光緒六年十一月湖南督銷局道員裴蔭森稟查湘岸鹽
務同治十一年以前銷數遞絀至六七萬引不等歷前
辦竭力經營銷引至十一萬之多而光緒四年查出前
數年已銷未報之鹽併入四年分攤造報者湘潭一局

卽有十四票之多是四年分雖名銷十二萬引實則不及十一萬也光緒五年連閏十三月僅銷十二萬二千引尙有年底預支六年春季之引數千列入五年冬季開報核實計算已不及三年之數蓋近年川粵私鹽侵灌日滋此四五兩年及本年銷數遞減之實在情形也職道於本年二月接辦局務因各局虧空積至十餘萬之多當經札飭各分局概收見銀行店期票極遠不得過十五日立法之初行店各懷觀望銷數遽減夏季以後體察情形知淮銷之滯固由川粵私販之多各行戶因無從挪掩暗地把持亦所不免當經委派員弁分路

堵緝兼稟請湖南撫憲札飭各路駐防營勇幫同稽查
職道又於八月親赴靖江甯鄉益陽及常德辰州沅州
並靖州所屬之洪江各分局督率員弁認真查緝水陸
兩路拏獲私鹽十餘起行戶有借淮販川者登時拏交
地方官懲辦兩月以來西路淮銷漸暢見於十月回省
擬明正更由澧岳上溯衡永寶慶督勇嚴緝以冀畧疏
銷路果能盡復引地則湘岸銷數自可兩倍於前

光緒七年正月湖南督銷局道員劉佐禹稟湘岸川粵二
私日侵一日卽以長沙一府而論瀏澧茶攸受粵私之
害湘陰益陽受川私之害惟長善近在省垣湘潭靖江

耳目易周銷數尙暢而四鄉犬牙相錯亦難保其必無
湘鄉甯鄉旱路更易繞越總之藩籬一壞防範多門趨
避愈巧查緝愈難事多隔閡職道惟有督率各員弁逐
日講求設法堵緝而輪銷之鹽尤在全收見銀查湘岸
欠款纍纍有已設法彌補者亦有尙未了結者裴道懲
前事之失改售見銀以致滯銷然裴道行之未久因常
德停稱一月亦曾量子轉移推原其故湘岸銀本無多
各行賣買均係期票必責成繳一票之銀始發一票之
鹽力亦有所不逮從前積欠由於承辦員紳與鹽行錢
店私相授受者固十居二三而由於希圖多銷濫行賒

欠者亦十居七八見據各分局稟報收銀期限大畧相同職道以各處情形不同所有應行酌量變通之處全在任事員紳隨時體察總局不能遙制所有原定限期數目概予批銷專責成經手員紳認真辦理設有虧欠勒令賠繳省局收銀無論期票見銀隨到隨卽上庫分局繳到期票必俟兌收清楚再給批迴不肯稍事通融以防其漸總期課餉商本絲毫有著經鹽政劉坤一批允照辦

光緒七年三月湖南督銷局道員劉佐禹稟查同治年間辰岸專銷碱鹽虧欠五萬餘兩迭經檄催府縣會同分

局員紳勒限嚴追至今尙欠八千八百餘兩無從著追
由開辦之初祇顧暢銷濫行賒放所致事遠年久戶半
逃亡又光緒二三年間該岸改行尖鹽有劉致泰張恆
茂二戶倒欠課本三千一百餘兩經前辦員紳封提房
屋招售價約相抵尙屬有著惟查核該局於前道任內
已報未解銀兩有一萬六七千兩職道接事後卽將該
局委紳殷家儁先行撤換其委員沈運判曾榮係兩淮
候補人員經職道迭次催追已據解到銀七千餘兩下
餘九千有奇據稱三月內一律解到仍由職道不時嚴
催俟屆期能否清解及下欠多寡另行稟報辰岸距省

最遠從前積弊已深辰州而外距省較遠之岸莫如常德見在委紳嚴家佑入局接辦釐課商本均屬隨銷解給尙無貽誤歷年積欠新舊將及七萬嚴紳實力催追尙欠二萬二千餘兩其常德舊欠五千二百餘兩以收數計之兩三年內或可了清而龍陽分局舊欠之一萬餘兩以每年所收撥費行用等款核計十年尙難了結此外常德新欠之一千一百餘兩龍陽新欠之四千六百餘兩業由職道檄催常德府縣會同局員實力嚴追所有舊欠鉅款案經議定未便遽事更張誠恐過事追呼又啟新虧之漸與其輾轉挪移彌舊虧而適增新欠

不若畫分界限無新欠而漸補舊虧此職道所再四權衡不敢操之過急者也此外惟益陽分局承追新安晏紳欠款以行用彌補約在光緒七八兩年可以完結更有靖江分局欠銀五千餘兩除陸續追繳尙欠一千三百有奇內有徐寶豐裕隆二戶共欠七百九十餘兩均有房屋租摺存局約計五年可以收清惟富恆森裕隆昌二戶欠銀五百餘兩見今押縣催繳緣該市並無鹽行向由錢店領銷歷有准存名目六家各存銀一千五百兩嗣經裴道改章各准存銀七百兩職道抵局後飭該員紳等慎重辦理茲據該局摺報六家各有多少計

其存銀四千八百兩日久流轉終非良策應請嗣後設有虧欠事發無論委員委紳少則稟請記過多則詳候參革均勒令將經手事件追繳完結方准銷差否則一律停止委署庶足以肅淮綱而知敬懼經鹽政劉坤一批湘岸各分局虧欠纍纍幾成積習經該道逐細確查分別飭追辦理尙屬核實惟其中有無正項鹽釐在內抑釐已扣清所欠盡屬商本未據分晰言之至稱從前積欠之由半由寬期賒放半由營私漁利洵是篤論殷鑒不遠以後宜引爲切戒仰仍斟酌緩急寬嚴互用總以舊欠分期補足新虧不准開端爲至要之義其委員

委紳設有虧欠事發非記過停委所能蔽辜必須輕則撤參重則監追方足以示儆惕

光緒七年四月鹽政劉坤一批湖南督銷局稟湘岸緝私廢弛已久經該道分爲三路湘江上游石灣卡堵緝粵私下游岳州及臨河卡堵緝川私洞庭湖西一帶堵緝由澧入常及由岳繞灌各川私扼要布置卡員分別撤換業已報獲萬餘觔當可一洗從前積習至局中用費無非取之於商乾脩等項所出日增所求日眾經費有常焉得人人而濟之見准部文欲保課必先恤商除地方公務及一切善舉不能不用者酌留一二外其餘悉

予裁除等語自不能不加意刪減以昭核實卽實心經理毋虧己責勿惑人言

光緒七年十一月鹽政劉坤一批湖南督銷局稟該局本年整頓緝私增添經費原須籌補但前次據請每票增緝費銀二十兩因與飭議裁減初意相背是以批飭另議今據擬將直隸賑捐南津港挑河捐二項自丁丑春綱爲始改作石城等卡緝私不獨此二項捐款前據稟明暫捐一次未便作爲常捐且此二項每票共計收銀二十二兩五錢又較二十兩爲多豈不更相矛盾該局經費前據另稟每月減去二百餘兩見在每年實尙不

敷銀若干應如何彌補務開細冊發交眾商公議總須出自商願方免藉口

光緒八年五月鹽政左宗棠札據湘岸督銷局道員鄧裕生稟局用浩繁出入實有不敷職道到差以來細查本年三月十五以前動支各款每月支數逾於入款千金有奇約每年不敷之數且萬餘金若不力圖撙節誠恐將來彌縫不易等情查湘岸滯銷局費入不敷出若任其賠累將來伊於胡底亟應設法裁減以免竭蹶除局費及一切可裁可減之費概予裁減並將挂名差使薪水一律撤銷其各衙門公費亦應從五月起裁減三成

俾免賠累如將來私盡官暢經費有增再行照章辦理
謹按此後淮商源昌泰等公稟請暫緩裁減願於每
年公同籌款彌補復經鹽政批公費本非應支正款
挂名乾薪尤非例所應得既經裁撤復憑該商等一
稟卽予議緩殊屬不成事體應俟一年後察看銷數
漸旺仍由該道具稟請示尙爲合宜該道等責重督
銷應於大處著想此等事無關緊要毋庸注意於此
光緒九年五月湖南督銷局道員鄧裕生稟據淮商局值
年怡豐和等稟請嗣後每年加銀二千兩以資局用職
道查卑局歷年以來歲終支數至少者七萬數千兩其

餘皆八萬九萬餘兩不等職道經理年餘刪繁就簡核計每年經費尙需銀八萬兩有奇此後銷市果能暢旺支用一切按部就班諒不至再有不敷惟經費必籌其可久而後局用無支絀限制必預定於先而後商情無疑沮比年湘岸疲滯商利較微其前欠經費銀兩尙須設法另籌而此次該商等遵照舊案每年加增局用銀二千兩若不明定限制殊不足以昭撙節而慰商情仰懇俯准將卑局每年局用定數八萬二千兩以杜日後浮支經鹽政左宗棠批准立案

兩淮鹽法志卷七十六

兩淮鹽法志卷七十七

督銷門

西岸督銷

上

江西向行淮鹽額引四十萬九千餘道嗣改爲二十七萬七千餘道今商人認運三百四十票每票五百引每引六百斤計銷十七萬引分三綱環運每年實銷十萬引上下光緒八年鄂湘皖三岸加引而西岸獨未議加者以楚皖皆分兩綱環運江西分三綱認引較多故耳

志西岸督銷

同治二年八月運司郭嵩燾詳竊查江西口岸日疲經本

司設法試辦包運新章以期杜私裕課惟各處銷路總以菜市爲最旺見交八月必得趕緊捆運開江方可及時銷售設再延緩各營販爭先行運任意搶跌必致岸價驟落挽復基難不特本年籌餉皆歸無著卽來年全局亦必難以維持本司已責成王子鑑趕緊招來殷販先爲認足三萬引分批接續趕運以濟民食而裕餉需理合酌擬章程詳乞示遵 一江西行銷淮鹽每年擬約六萬引先行試辦三萬引卽在泰州設立招商公所如有願運淮鹽赴西省者准其認辦所有各路運販餉鹽運西省者一體停止 一西岸擬在吳城及省城設

立官局經理挂號挨輪提價售鹽收課發課分利解餉等事俟新鹽到岸照章開輪以免遲誤 一閩浙粵三省私鹽請咨明西撫部院並札各路釐局刻日按斤加釐不得稽延其私鹽要隘如廣饒兩府從未經設卡者並請添設卡座委員堵緝 一湖口爲西省運鹽要道亟應設卡無論營鹽販鹽遵照定章概不准過惟此次新票到卡查驗後截去一角卽刻放行不准留難 一見在運西之淮鹽有已到岸者有尙在路者有已過壩甫裝江船者約計數千引統名爲舊鹽在江省未設官局之前聽商自便若已設官局而新鹽尙未到岸應飭

令局員嚴催速售由官局定價不得肆行搶跌自壞已
提之價有礙新鹽成本至新鹽一到存岸續到舊鹽均
令歸入新章辦理 一新鹽到岸後卽日投官局掛號
以船到先後挨次輪售官局定價懸牌局前不准搶跌
違者嚴罰新票存局售鹽後由局員彙繳驗銷或有極
滯極暢之時於二十五兩內外應如何長跌之處官局
與各商公同議定 一泰州以外南北糧臺各處釐金
均應緩納 一新鹽到後開艙發販陸續售出鹽價均
存官局其應歸商本售足一千引後卽將應歸商本商
利若干照數先提發各商自領令其接運後鹽 一捆

鹽斤重關係商本引鹽由泰壩過掣盤駁拋撒上江船
後風水阻滯到岸遲速不等斤兩虧折尤甚應請札飭
西省官局查照從前浙鹽運西成案酌加滙耗惟浙鹽
每引六百斤加一滙耗六百六十斤爲率未免過重自
應量減可否照浙案減半以示體恤如遇南陽風信尤
易行滙屆時酌量辦理 一西省餉鹽擬請發給運鹽
護照另立號數載明專運西岸不准在中路私售請緩
各釐逐款申明以昭遵守計餉鹽三萬引請發護照三
百張開江時由泰州公所發給總船單填明某商認運
西省餉鹽若干引分配江船若干隻某船裝若干包共

計若干引金陵大營護照若干張加蓋委員鈴記發給
該商前赴西省官局照驗 一江路見雖通行沿江水
陸各營綦布星羅運鹽商販未免各有戒心應請咨札
沿江各營及沿途關卡凡遇餉鹽到時應護送者一體
護送應查驗者卽時查驗毋任羈留 一泰州爲運鹽
總匯之區應設立招商公所責成王子鑑倡始招徠如
有外來各販情願領運餉票赴西省者悉令投局掛號
認運若干准其照章辦運至買鹽過壩配船押運等事
各販自爲經理有必須官爲照料之事隨時稟明公所
委員查辦 一船戶帶私是其慣技亦由各商吝惜水

腳任其夾私應嚴飭各商務將水腳按時給足不准過
惜小費致誤大局 一泰州公所局用應照浙鹽運西
成案由商本內酌提運用其西局經費應歸官利內撥
給悉照浙鹽運西辦法經鹽政曾國藩批允

謹按郭嵩燾議詳簡明章程十六條另有成本二條
詳見成本

同治二年九月鹽政曾國藩釐定淮鹽運西章程第一條
泰州設招商局第二條江西設督銷局第三條三處截
角查私第四條加重鄰私釐稅第五條計算本利各款
第六條補完各處釐金第七條商運官運畫一第八條

沿途並無艱險

謹按以上八條詳載淮南票法新章茲僅標其目以存梗概其西岸督銷局設江西省城餘與他岸略同同治二年九月鹽政曾國藩札運司照得江西運鹽章程刊本前經分別札發在案茲本部堂復加察核滷耗包索餘斤均准津貼商人又姑塘關稅每引一錢四分在西局扣釐項下彙解不另取諸商人兩節應增入章程見定刊刻木戳用紅色加印第五條下半頁上面合將刊戳式札發該司遵照一律刊戳加蓋再第五條內給還商本銀九兩七錢九分給商一分半息銀一兩四錢

七分共銀十一兩二錢六分原刻十一兩三錢係屬錯誤並卽更正

同治二年十二月鹽政曾國藩札查西岸售鹽水大時鹽船可以直抵省垣原可飭令商販運赴省局挨售見值冬令水涸鹽須起駁兼之吳城向爲售銷總匯之區鹽行亦多若新鹽行抵吳鎮必令起駁赴省駁船不能停鹽守候上倉則拋灑旣多換船則費用更大殊於成本攸關應卽變通在於吳城設立分局照章辦理以速銷路而順商情

同治二年十二月鹽政曾國藩批督銷局詳據饒屬鹽行

請示一案查西岸鹽行前據該道具稟當經批明歸局約束祇准招接水販赴局買鹽一切行用售價均由局定各鹽行果能恪遵局規力保局價前既捐領部帖自應准其開設如有欺商欠課情事務卽嚴行押閉嗣督銷局據吳城鹽行請示又批各該鹽行所稱吳城地方多以貨易鹽而行戶等代爲售貨賣鹽亦爲較便等情姑念各鹽行前已捐領部帖准其招接水販帶赴分局遵照牌價呈繳見銀買鹽價由局定

同治二年十二月江西督銷局道員程桓生稟據吳城分局程牧稱見在吳城舊鹽未銷完者尙有萬餘包新舊

混雜礙難稽核擬請將先到新鹽暫飭運省儘吳城口岸銷售舊鹽俟舊鹽完後再另籌畫派銷似爲簡易又稱見在舊鹽俟完釐放行新鹽係驗照放行而江運按大船給照一經起駁小船較多先後開行憑何驗放亦須妥議章程各等語職道查該牧所稱新舊錯雜一層確係實情見當省城水販盼鹽甚殷應飭新鹽先行運省以利速銷其舊鹽悉儘吳城銷售以利下游水販俟舊鹽銷完大幫齊集再於新鹽內酌按成數分銷庶使銷路較廣而上下游之水販均稱利便至駁船驗放一層江船一號必雇駁船數號僅一護照過卡查驗不免

阻難惟有分給駁票以爲憑據見已刊印聯號駁票發
交程牧經管並令回吳設局先辦稽查發票事宜凡新
鹽到青山一帶須起駁者驗明護照換給駁票按船填
給持執過卡其護照卽由該牧陸續繳送總局驗收此
時吳城尙售舊鹽經過吳城樵舍等卡卽以駁票爲憑
經鹽政曾國藩批據稟先到新鹽暫飭運省銷售派委
程牧在吳城稽查駁船發票准如所稟辦理惟舊鹽擬
歸吳城出售吳鎮鹽行弊混百出難保不跌價搶賈殊
於省局銷數有礙本部堂千叮萬囑總恐搶跌賤售以
二三小販而壞全局耳

同治三年正月江西督銷局道員程桓生稟前赴吳城程牧先已擇定絲線碼頭行棧一所房間尙屬整齊可作分局後門臨近河邊水大時船隻均可抵泊門外照應甚便每年房租銀一百四十八兩卽於二十七日開局因商定總分兩局日後新鹽以三成歸吳城售賣以七成歸省城售賣而結帳分銀一切仍由省局匯總以歸畫一酌擬章程附呈 一擬分成輪售以示平允吳城口岸向以義武奉靖等屬暨南康九江等府爲銷路比較省城約計十分之三應飭各商依所運之數以七成運省銷售以三成在吳銷售如認運五百引按三成應

提出一百五十引其多者照此核算既可致偏枯兼可疏通銷路儻遇省城滯銷吳城暢銷以及省城暢銷吳城滯銷之時仍由總局隨時酌量成數行知吳城通融辦理 一擬由省局定價以歸畫一每朔望由總局酌定市價限定先一日專差行知吳局無論漲退均歸畫一遵照懸榜局前使水販其曉 一擬給還商本概歸總局核算商運到吳以三成存售者每遇售完卽由吳局將某商存吳之鹽若干斤餘鹽若干斤按某價淨賣出銀若干數開一簡明報單送總局卽由總局收某商省吳兩處應領成本並利若干算明給付其吳局所

收銀兩隨時彙數派撥駁船解繳總局庶辦理不致兩
歧至補完各處釐金亦照此辦 一擬經收銀色量予
變通吳城交易銀色尙難十足若必須十足之色始准
交易恐又不免窒礙嗣後售鹽除十足銀色無庸議外
其銀過低者自不能收如或稍次一二色擬估定後准
其補色卽於帳內註明銀兩一律報解俟計算本利各
款暨補完釐金之時凡於稍次銀色按所收補色之銀
分補足色庶便於水販而亦不違定章惟須慎選管鹽
之人並須該委員隨時查察期免弊竇 一擬售鹽以
半引起票仿照省局辦理惟鹽行應否令其經手查吳

城向有鹽行五家均從咸豐八年以後領帖開設近年獲利頗厚此次仿照浙鹽運江章程則各水販自行赴局交易無須由行代客買賣轉多一番行用見據吳城各行戶具稟到局已代轉詳候示 一擬刊刻關防發給鈐用吳城既設分局一切文件均須蓋用關防可否卽由總局刊發督銷淮鹽分局關防一顆飭令具領至分局應用鹽稱天平以及草票水程等項均由總局製辦轉發經鹽政曾國藩批第一條分三七成准於春月水淺時照行四月以後江深暢行仍以省局爲主吳局祇可銷一二成或竟將分局停撤仰於三月中旬察看

稟辦第四條收次色銀流弊孔多礙難允准餘皆如所
稟辦理吳城既設分局所有舊鹽自應一律歸局出售
以杜搶跌見在漢岸舊鹽核定與新鹽分成勻銷售價
在刊章定價以內祇繳局用及楚省釐金如在刊章定
價之外仍令以三成歸商七成充餉西岸事同一律仰
卽督同程牧仿照辦理

同治三年二月江西督銷局道員程桓生詳呈西局事宜
一鹽釐一款每引九兩四錢四分係兼安徽吳城兩
處言之今每引扣存此項關稅應否在安慶釐金解款
內扣存抑併將應辦吳城之釐均勻攤算應請示遵

一餘斤一項每鹽正引六百斤外帶耗鹽以及皮索稱
餘售出價銀奉文皆准津貼商人見與商人議定餘斤
雖多寡不齊均係夾帶私鹽照章自應議罰惟念辦運
伊始姑寬免究所有此項餘鹽售價擬按月存局一面
附冊申報應如何酌撥之處候示 一鹽船一項如遇
遭風失水情事照章應報由地方官勘查具結申請泰
局補運准免釐金一半查失事地方如遇衙門相距近
者報勘尙易相距遠者報勘較難且一經衙門差役無
不需索是商人既遭失事之苦又受衙門之累殊非所
以示體恤擬令就近報驗如與衙門近者卽由地方官

勘辦與釐卡近者卽由卡員勘辦均照定章取具切結
徑申泰局照章補運一面分別具報備查如蒙允准卽
請轉飭泰局暨經過各釐卡一體遵照 一局費一項
西岸每引收銀三錢省局所需一切暨吳城分局支用
各款以及應解鹽道公費並湖口卡費等項每月約需
銀一千八百餘兩活支之款在外如每年行銷足額局
用尙可勉強惟值奉行伊始能否暢銷尙無把握且西
岸每年定運十萬引核計滷耗包索餘斤在內每年必
須銷至十三萬引乃符實運十萬之數設使銷市疲滯
必致支絀時形查泰州招商局費較各岸督銷局費用

自輕每引雖祇一錢八分但認一引之鹽卽有一引之費非比西局須俟售鹽始能扣收況局名招商費亦因招商而致在泰局所招者自應歸泰局收費若西局所招之商移送泰局辦文取結似應兩局各半分收以昭平允兼濟目前西局之不足將來楚岸開局均可仿照辦理經鹽政曾國藩批查第一條姑塘關稅每引一錢四分應在安慶各卡應派之二兩九錢七分項下扣解前已札飭牙釐局遵照第二條餘斤一項旣據核定此外再有多餘自應充公此項充公銀兩積有成數統解安慶江外糧臺濟餉第三條鹽船遭風失水責成州縣

給過四百餘兩一年給過七百餘兩似可卽以兩年之數合併折半作爲按年給領定數庶可兩全經鹽政曾國藩批吳局本年銷數旣遜去年而鹽行津貼一款計數反多於前深恐日久弊生啟僞捏虛糜之漸必須定以限制上兩年給過銀數合併一千二百六十七兩有奇應以此數折半作爲按年給領定數此後非遇局銷大暢不得加增

同治六年四月西鹽招商局道員張富年稟竊惟西鹽開辦之初商少額多均係隨到隨請隨請隨運上年因各商請運踊躍酌議每引預提釐金二兩而請運者益眾

緣五萬引同時挂號不能責以一月開江之限而該商祇須有銀千兩可挂一票遂得輾轉騰挪致有引者不皆有貲而有貲者轉至無引殊不足以招公允而廣招徠見屆開辦本年秋綱數月之前業已聞風雲集若認足卽行截數則捷足者先得後來者向隅若儘來儘挂按成勻攤則欲辦千引者必至先挂二三千引預爲減折地步其中虛占轉售之弊在所不免職道悉心籌酌似宜量爲變通寓綱法於票法之中使小販知無取巧之方大商得爲久遠之計行之無弊數年之後庶可漸復綱鹽舊規謹就管見所及酌擬四條 第一條預定

開網限期西鹽初辦時額多商少每遇開網一二日卽行認足遠商未及周知攜挾重資千里跋涉及至趕到額數已滿無引可認殊非廣示招徠之意嗣後春網限定二月初一日開辦秋網定限八月初一日開辦統以半箇月爲期半月之內認不足額俟認足再行開網如有溢請期滿截數之後除預納下綱釐金之商免其減折外其不預納下綱各商應將名下溢請之引按成勻攤減折榜示仍以符額爲數截數之後到者不准再認以昭畫一 第二條取具的名的保各商請引向以花名掛號或一商而數花名或數商而一花名嗣後掛號

各於花名下註明的名必須同時辦運殷實可靠之商
方准具保儻有賣引換號情弊惟原保之商是問該保
商亦不得藉端勒索違者重究至刊章定五百引起票
猶嫌其少嗣後應以一千引起票少者不准 第三條
定限呈繳鹽價商販掛號完釐之後招商局先將花名
存記限十日內赴棧呈明買何場何商之鹽將鹽價銀
兩繳納淮南總局給予收照持赴招商局存驗登簿方
作實引逾限不繳以空號論立即註銷 第四條預納
下綱釐金大商資本充足本綱辦運而外尙有盈餘准
其預納下綱釐金除本年秋綱照章每引繳銀二兩外

再納一兩准其預認來年春綱如願預認來年秋綱照數遞加下次開綱先儘上次預認之販辦運鹽價屆時仍令依限繳納以爲本足急公者勸經鹽政李鴻章批查第一條預定開綱限期使遠近商販咸得周知極爲妥善至預納下綱釐金應聽商便不可勉強其預納之後下綱先儘預認之販辦運則下綱之引自不減折若再將本綱之引亦不減折未免過優應與各商一律攤折以昭平允第三條定限呈繳鹽價查請引以繳價爲憑實認者本應備價買鹽與成本毫無出入而虛占之弊不禁自絕比預納釐金之須增成本其法尤善惟定

限十日呈繳本署部堂細加酌核尙有流弊譬如初一日掛號限十日繳價則半月截數之時此商之價已繳十一日掛號限十日繳價則半月截數之時此商之價未繳辦理不能畫一遷避卽生遷避生而弊竇無窮矣所有各商繳納鹽價無論何日掛號統限截數之前繳清截數後減折若干再行照折將價發還儻半月之內認不足數續後隨到隨請者方准限十日繳價較爲周密至所繳之價俟截數後總局卽應傳齊場商領回以便趕緊付鹽如果五萬引同時認足應如何分檔派運以免擁擠其場商先領鹽價如須遲至三四月以後付

鹽應如何議貼江販官利以杜藉口仰再悉心妥議稟辦第二第四兩條及其餘所議均各允協悉准照辦

同治四年七月西鹽招商局道員張富年稟查西鹽向銷次色與鄂湘必須上尖者不同江販之揀擇旣寬場商之轉輸自易見查次色場分如枰角東何安富等場存鹽尙有四五萬引目下鄂湘皆買上色次鹽片引不銷轉瞬秋產旺收八九月閒總可集至十數萬引擬屆時預飭各場商趕運次鹽二三萬引到瓜則開網截數之時瓜棧已有鹽可賣以後源源轉運卽可隨到隨交其江販發鹽應按照挂號之次第分爲三檔場商按檔交

付至遲不得逾兩月至加貼官利一節江販亦不爭此
錙銖轉致場商藉口耽延似可毋庸議貼至場商如先
領鹽價應核其存堆請照引數有盈無絀且須與江販
三面議明方准交易似不致有虛賣空堆情弊經鹽政
李鴻章批據稟擬乘秋產旺收之時預飭各場運鹽二
三萬引到瓜濟銷以後隨到隨交源源轉運必應如此
辦理江販發鹽按掛號次第分作三檔交付亦屬允妥
場商交鹽至遲不逾兩月則加貼官利一層自可毋庸
置議惟所稟場商先領鹽價卽係預買與刊章不符淮
南垣商無力者十居六七若准其先行領價必致套搭

架空臨期無鹽應販誤重誤運流弊滋多固知各垣堆
鹽有冊可查不能虛賣殊不知各場官旬報僅憑火伙
頭長一面之詞並不曾親自勘驗或虛報收數或裝點
空堆皆屬場竈慣技難保無虛賣空堆之弊所有此項
鹽價應否封儲司庫俟鹽到瓜州照數給發抑仿淮北
驗貨之例驗明後發還運商銀鹽兩交以杜流弊仰卽
會同棧委程守悉心體察飛速另行議稟核辦

同治四年八月署鹽政李鴻章札照得西鹽見在開綱凡
認運者須有殷實紳商具保方准掛號原因緩釐甚鉅
誠恐中途私售易壞鹽價而誤餉需不容稍有瞻徇本

署部堂訪聞近有揚營遣撤官弁紛紛赴該局請託認引殊於大局有礙查票鹽辦法原無可分官紳皆可辦運獨遣撤營弁則應速飭回籍若准其運鹽必致沿途逗遛且恐於捆重開江之時不順商情恃強爭執更恐鹽未到局跌價私售必致擾亂鹺政亟應飭禁此次開綱凡有揚防遣撤營官武弁一概不准辦鹽以免滋生弊端如違指名稟辦勿稍瞻徇

同治四年八月江西督銷局道員程桓生稟江船戶攬載引鹽自當原裝原卸盜賣屨和例禁綦嚴原所以肅鹺綱保商本也近來各該船戶每多在途竊賣商鹽迨至

到岸交卸往往虧短甚鉅或臨時灌水或私躡石膏蚌粉白砂等類希圖抵交斤兩節據各商具稟前來雖經隨時提訊究追分別枷責示懲無如該船戶等刁玩性成罔知畏懼甚有凶悍之輩行至沿途地方擅敢明目張膽肆行盜賣押運商夥從中阻攔每藉原充勇丁奉保翎頂恃強挾制究竟真偽無從立辨商夥勢處孤立莫敢如何種種不法情事深爲運銷之害急應設法從嚴查禁經鹽政李鴻章批船戶中途盜賣發滙驛和爲商販之累僅予枷杖不足蔽辜如再查有前項不法船戶應於訊供後報明札發地方官照例監追仍計贓

治以應得之罪始足以昭炯戒至商販所雇江船原有保戶填入承攬因商販最畏訟累遇有船戶虧短但能酌賠數成輒復含忍了事從不終訟以致雖有保戶認賠之語竟屬紙上空談船戶先既從寬保戶無不置身事外今本署部堂既嚴船戶之罪應將保戶認真分賠嗣後商販雇覓江船務須慎選保人眼同寫立承攬取具環保載明船戶虧短保人情願分賠字樣呈明招商局備查遇有短斤由督銷局嚴追如追不足數咨明招商局代傳原保責令賠繳俾各鄭重其事以免途次再滋前弊

同治五年四月江西督銷局道員孫長紱稟運商天興順
所運淮鹽一百四十引至吳鎮由該分局換給駁票運
省彙繳前項護照前來本司復加查核既未經湖口卡
註明查驗月日並未截角蓋用關防惟大勝關及大通
卡一律蓋有關防戳記並未註明重斤夾私字樣或因
火夫押運實係鄉愚無知加以船戶初裝引鹽諸欠諳
練非出有心偷漏尙屬情有可原然與定章究屬不符
似應酌量示罰用昭儆戒第查前項鹽斤業已挨號開
售所有價內給商之項擬罰停一月發交領收以示薄
懲經鹽政李鴻章批允

同治五年十二月江西督銷局道員徐志導詳水販來局買鹽向係先交鹽價卽給起鹽草票令其赴倉起鹽由倉友驗發鹽斤將票塗抹仍付該販來局赴水程房填換水程護運其鋪戶分銷零鹽則將草票塗抹後卽由倉友繳回備核鋪鹽卽無官件可稽原以從簡便也乃日久弊生風聞近日鋪戶間有影射夾私者自應添設戶照以備稽查不過令鋪戶來局中一行毫無耽延需索亦如見在填發水程者是於稽核之中仍寓體恤之意復思事屬細微防弊宜早見已由職道出示曉諭定以本年十二月初一日爲始所有分銷鋪戶一律於起

鹽後換領引照以備稽查庶使水販鋪商事歸一律以杜影射夾私之弊經鹽政曾國藩批允

同治五年十二月江西督銷局道員徐志導稟查西岸售鹽向係挨次五號齊開嗣因配入安鹽水販不盡願買其售竣不免稍遲而挨次在後之梁鹽勢又不能不卽開售已與整輪稍有妨礙近又到有借運北鹽本非引地若不設法預爲之計竊恐整輪必生凌亂且商鹽銷路全恃水販必須恤販乃能恤商鹽色旣屬不一銷路又各不同若復狃於故常一律搭配出售必致水販受虧卽與銷數有礙職道熟思細訪必須將安鹽北鹽提

出各挨各輪方可並行不悖又聞楚岸卽是如此辦法
西岸自應改歸一律經鹽政李鴻章批准

同治六年正月江西督銷局道員徐志導詳據運商同福
祥幫夥職員李仁壽稟於上年九月運鹽二百四十引
每引預納釐金二兩計庫平銀四百八十兩收照一紙
係西字二百二十三號於十月間行抵吳城挂號輪銷
今屆銷竣應赴局呈繳收照適檢查行篋收照無存不
知遺落何所爲此稟明仰懇俯念販戶貲本微末可否
出具連環保結免其扣抵俾得領鹽價銀及早回揚續
辦鹽引等情當經職道查係實情委無別項情弊理合

詳乞示遵經署鹽政李鴻章批既據查無別項情弊應准免扣抵

同治六年三月江西督銷局道員徐志導稟復鹽政查立成堂一款前據岸商稟遵章認運引鹽運來西岸聽候輪售原奉循照浙鹽舊章委員司事均駐將軍渡徽西鹽倉河干督令發賣因江船引多載重該處河道淺狹難泊近岸須藉小船駁送每包駁力二文半駁船向無篷艙如遇風雨水溼堪虞並有拋灑偷竊江船遠泊河中不免船戶發水屨僞各弊稽查防範未能周徧運商水販恆受其累當經商等於同治四年七月在於廣潤

門外蓼洲地方復建公所係爲辦公起見商等情願每引抽銀一分以充辦公需用每包抽錢文半以作過鹽飯食支銷並據另單呈送收支帳簿前來計自四年六月起截至五年十二月底止共收銀九百餘兩錢一千四百餘串修造立成堂之費卽係動用此款經鹽政曾國藩批立成堂公所旣於運商水販均此便利暫搭篷屋難以持久自須改建瓦屋以資辦公所需工料銀兩准照李爵督部堂批定之案在於局費項下酌量借支責成殷實運商撙節建造應如何攤扣歸款仍由該道妥議具復至該堂落成後需用看守工食等項爲數無

多每月應用若干將來卽由該道酌核稟定在於局用
內開支斷不可令商販捐繳分文致增成本而叢弊竇
同治七年二月江西督銷局示運商待輪起鹽上倉向係
商夥自行過稱與船戶眼同結算其短少鹽斤者稟局
究追歷經辦理在案乃昨有胡順記商夥陳暢烈稟船
戶羅恢緒劉周時短交鹽斤而該船戶復稟商夥壓稱
致令受虧各執一詞乃該船戶竟敢不候審斷恃眾開
堂毆打鹽快實屬目無法紀除拘爲首滋事之人枷責
示懲並將本案持平訊斷外合亟改定章程以清訟源
見在本局按照官碯添設官稱每倉頒給一桿嗣後凡

有起鹽上倉者卽由本局友人監同商夥用官稱公平過鹽以免船戶有所藉口

同治七年三月江西湖口鹽卡直隸州何敦五詳據湖口職員郭孝銓等稟稱江西額行引鹽向歸湖口上四十里青山設卡分引兵燹後青山房屋無存是以概歸吳鎮銷引但下游湖彭化瑞等縣與吳鎮相距有鄱湖之險春夏則江水泛溢風濤日阻秋冬則河道水竭運駁維艱以致吳鎮下游民間日食之物時常缺乏其價騰貴無從攜買百姓嗷嗷待哺乞轉詳批准自吳鎮以下者在湖口銷鹽分引當吳楚之要衝順濱江之地利商

船往來利涉酌銷鹽之多少隨銷隨分俾民間得以時
常便買享利無窮請於湖口設立分銷鹽局以資接濟
等情乞示飭遵經鹽政曾國藩批據請湖口設立分銷
鹽局係爲便民起見但湖口彭澤等處與皖南東建接
壤與皖北宿望祇一江之隔見在皖局售價較西岸每
百斤祇短售四錢加以鹽河華陽兩卡向其抽釐八百
文及大通運赴上游水腳約計皖價重於楚西皖局李
守前聞湖口有設分局之議深恐西鹽倒灌皖境卽經
縷晰具稟當將鹽河華陽兩卡之釐酌減一半庶皖岸
上游售價與楚西相等以免彼此互侵在案況吳城已

設有分局湖彭化瑞等縣如果鹽價騰貴利之所在趨之若鶩吳城水販自必源源運售斷無缺鹽之慮若再分設一局不特有侵銷皖界之慮且距省局過遠照料難周亦恐叢生弊竇所請應毋庸議

同治七年九月江西督銷局道員徐志導稟查卑局經理祥字鹽倉原由西鹽法道移局驗收以爲儲鹽之用嗣據淮南商裔鍾毓靈稟請給還管業復經前署鹽法沈道會同卑局詳奉憲批俟淮鹽暢旺添建公倉後再行給商領回嗣又詳奉批准每年酌給該商裔倉租錢一百千文由局經發具領查自由局經理以來歷年所收

倉租除扣修費並給發租資外其餘銀兩均經卑局按
年儘數彙案報解見在該倉牆垣屋廩多有倒塌再加
修理費卽不貲茲據該商裔稟請發還管業前來莫如
准其領回自行修理仍爲儲鹽之用與公事亦復無礙
所有倉租仍飭照西岸章程辦理不得擡價居奇其上
鹽出鹽仍照舊由局派人司其封啟以防弊混經鹽政
馬新貽批准

兩淮鹽法志卷七十七